

四庫全書

史部

欽定四庫全書

江南通志卷四十八

輿地志

寺觀

六太廬鳳潁四府
滁和廣六泗五州

太平府

萬壽寺在府城東門內宋景德中勅分化城為萬
壽寺寶祐三年濬放生池造石梁於上以通山門
古化城寺在府城內向化橋禮賢巷吳大帝時為

康里國僧會法師建道場三此其一也其址最廣
宋孝武南巡駐蹕於此增二十八院院各有額唐
天寶間造舍利塔大戒壇鑄銅鐘一李白銘至宋
分其半為設險之所餘為西菴

廣濟寺在府北采石山吳赤烏二年建宋天聖十
年改廣濟院

白雲寺在府東南青山之東峰六朝宋建

福源寺在府東龍泉山六朝宋時螺浮尊者開山

於此舊名龍泉宋改福源院明改今額

澄心寺在府東橫山齊陶弘景棲隱地宋嘉祐中改澄心院紹定中重建

報恩光孝寺在府城西南隅唐名瑞竹寺宋紹興間改今額俗稱南寺

古麓心寺在府城北采石鎮寶積山之東南一名寶積禪林舊在楊墓山唐武德四年建宋紹興中移建今所

彌勒寺在府東南多福鄉唐貞觀二年建

均慶寺府東南湖陽鄉唐乾元二年建

東承天寺在府姑孰鄉上官莊唐大中三年建

廣教寺府城東黃池鎮唐大中三年華林覺禪師

建宋紹興中改今名

大仁寺在府北慈湖馬鞍山唐天成元年建

廣福禪寺在府北黃山巔宋嘉祐三年建賜額廣

福院

藏雲寺在府城東歸善鄉舊名延壽院又名雲際院宋嘉祐中改今名

無相寺在府城外尚書塘一名靈山寺元皇慶二年建

吉祥寺在蕪湖縣西五里舊名永壽唐永和二年建宋景祐中賜名吉祥院

東能仁寺在縣東即南唐古城院也宋大中祥符元年改曰東承天院政和中遷於城東寺後為夢

日亭址

普門寺在縣西南丹陽鄉甸山舊名普濟院南唐順義五年建明洪武中改今額

普濟寺在縣南舊名水西宋天聖改今額 以

上蕪湖縣

廣善寺在繁昌縣南十里八峯山下寺始於東晉明寶月禪師卓錫於此山多異蹟

隱靜禪寺縣東南二十里隱靜山一名五峯寺六

朝宋杯渡禪師建宋大中祥符間改晉慧禪寺嘉祐三年建閣藏三朝御書百一十軸

龍泉寺縣西南二十里清隱山唐乾符間建

善利寺在縣治南先在舊縣名善利院宋太平興國間建明天順元年遷縣寺移今所

靈山寺縣西北靈山墩宋嘉祐間名戒香院明改今額

圓焰寺在縣西十里銅山下

化城寺縣東北三十里我橋鎮舊在靈塘名松城
寺宋焦韜移此嘉祐八年改今額

幢山寺縣西三十里青山下宋淳熙六年建有甘
泉古井碑

龍華寺縣西十五里宋紹興二年建 以上繁

昌縣

玄妙觀舊名天慶在城北宋太中祥符間建紹興
二年徙建新城西門內

希夷觀府城崇教坊舊在城南宋紹興元年建名希夷堂元元統六年遷建於此改今額

寧淵下觀在蕪湖縣西四里上觀舊在螺磯山因風濤不便祈禱即佑聖祠增創崇隆興中賜今額元帝觀在繁昌縣西十五里紅花山頂唐乾符間建山腰有半山宮

西延觀在繁昌縣西五十里荻港鎮舊名清華泉改今名相傳趙自然住此修煉

神霄宮在采石鎮唐賢坊內有太白祠宋嘉泰元年建

禪那院在府東南丹陽鎮齊永明二年建舊名禪定又名宣善宋淳祐中改今額

淨居院在府多福鄉葦牧廠梁太寶元年建

太平興國院府東白亭山宋紹興三年勅建

廣濟院在蕪湖縣北赭山南麓唐乾寧中建有塔

黃庭堅滴翠軒遺址在焉

西能仁院在蕪湖縣治後即南唐古城羅漢院宋政和元年與東能仁寺同賜額真宗御書閣在焉常寂院在繁昌縣東北雲居山創於唐名古城寺宋嘉祐中改今額

香雲院在縣東北三山香爐峰唐元和中建宋嘉祐中改今額

崇法院縣南二十里唐建名雲峰菴宋嘉祐中改今額

資聖院在縣東南隱玉山舊名浮丘寺宋嘉祐中
改今額

清隱院在縣西青山一名青山寺山下有翠麓亭
太極洞

普照禪林在蕪湖縣西北五里

廬州府

壽龍寺在府東南五十里晉建

浮槎寺在府東浮山上梁建初名道林又曰福嚴

先有梵僧過是山曰此閣者一峯也

萬壽寺在時雍門內歲豐橋南唐武德間建

開福寺府西大蜀山唐貞觀間慧滿禪師道場有碑記

明教寺在大東門內教弩臺遺址唐大厯中裴緝奏為明教寺

三城寺在府城東

天王寺在西平門內唐建明正統丁卯重建有碑文地藏寺在北城內宋淳熙八年建

五星寺府南嶽廟東宋咸淳中建

邑崇寺府東三十里宋建 羅漢寺在明教寺後

石佛寺在三河鎮宋建 包城寺在店埠鎮元建

寶福寺在府小蜀山元建 演法寺在府梁縣鄉

金剛寺在廬江縣東南紫芝坊即楊行密故居舊

名光化吳主建以居伏虎禪師

妙光寺在縣西南元建

治父寺在縣東北二十里唐伏虎禪師建

國朝順治四年重修

大隆寺在縣東南元建

金牛寺在縣西南四十五里宋僧安雅建有塔

竹林寺在縣東六十里宋慶元五年建

甘泉寺在縣東元建

國朝順治十一年重修 以上廬江縣

觀音寺在舒城縣治西唐建

白水寺在縣西鄉

真如寺縣南十里

千佛寺縣東二十里

大聖寺縣東十里俱宋建 旌忠禪寺在縣西

香社寺在縣桃城鎮 伏虎寺在縣城南三里

淨梵寺在縣西周瑜城俱元建

西伏虎寺在縣西梅嶺內有錫杖泉虎跑泉

以上舒城縣

景福寺在無為州治西唐貞觀中建

國朝順治十五年修

羅漢寺在州城東唐永徽三年建

延福寺在州南宋淳祐三年建

寶林寺在州西有古塔唐垂拱二年建

南汰寺在州汰水之南宋咸平元年建有古塔

北汰寺在州汰水之北唐永徽二年建

雙泉寺在州北鄉唐伏虎禪師建

泗州寺在州太平鄉宋開寶五年建

慈雲寺在太平鄉宋建淳熙中勅賜教忠禪院

巖臺寺在州開城鄉宋景德三年建

報國寺在州開城鄉宋建

國朝順治五年修

以上無為州

定林慈氏寺在巢縣崇善坊梁建宋乾道中建塔
西隱寺在縣臥牛山下梁建宋景定明宣德重修
見寺碑

濡須寺在縣龜山上

金城寺在縣西南

圓通寺縣南二十里宋建

相山寺在縣南山中宋開寶四年建高宗嘗幸其

處勅賜教忠禪院

大甘泉寺縣南散兵鎮宋淳熙間建有泉清列出石洞
觀心寺在縣鎮南橋宋淳熙間建俗呼銅煬寺

法輪寺在縣白露河宋紹熙間建有石柱輪藏古塔
竹城寺縣西七十里即寶林院宋寶祐元年建

大力寺在縣王喬洞東北宋景定間建傍有大力
泉深不可測味極佳為合境第一 以上巢縣

玉虛觀在府城內即子胥臺一名中聖宮

梓潼觀在府王虛觀東

白鶴觀在府東門唐建

冲元觀在府城南三河鎮元建

玉虛觀在廬江縣南關一名南臺相傳左慈所居

內有丹井遺址

真武觀廬江縣西門外

洞元觀在舒城縣北門外宋元祐中建

崇德觀在無為州治東隅舊名羣僊觀宋建

國朝順治十五年重修

白鶴觀在州襄安鎮墩上唐建墩形如印高十餘

丈中有墨泉

紫薇觀舊在巢縣北十里金庭山下世所稱第十八金庭洞天也晉咸康四年創宋寶祐二年勅建有碑湖山重複巖谷幽閤三峯峙於前兩洞擁於後今遺址猶存宋末遷入於城洪武二年再遷於縣治西北臥牛山

聖妃神宮在府東湖內姥山上晉時勅建

鳳陽府

龍興寺在府東三里盛家山南初名皇覺寺明太祖微時潛踪之地洪武初改今名有太祖御書第一山三字碑陰有御製文又有神宗勅賜藏經康熙十二年重修

洪戒寺在府治東

栖巖寺府西白石山有石室宋高宗賜御書於此靈泉寺府東南武店中有銀杏根盤數丈元建

大聖寺府西南一名白塔寺元建

法華寺在府西內有七級浮圖

竹林寺府南門外明建

開元寺在臨淮縣開賢門內一名莊臺寺唐開元
二十六年詔天下州郡各建一大寺以紀年為額
南唐主李昇微時嘗寓此 鍾離寺在縣東

竹林寺在縣曲陽門外創自唐時明洪武初復建
淨衆寺縣東北六十里宋咸淳間創弘治元年復建
大聖寺縣東北七十里宋咸淳間建

真如寺縣東二十五里元大德間建明洪武間復建
戒香寺在縣南明正統間重建賜舊額 以上

臨淮縣

大聖寺在懷遠縣南一里宋雍熙元年建明洪武
重建

水月寺在縣北一里

華嚴寺在縣西元建

崇寧寺在縣龍亢集

靈巖寺在縣塗山東頂

山香寺縣東北二十五里

羅漢寺在縣東二里

以上懷遠縣

禪窟寺在定遠縣西北三十里唐元和間建明洪武八年重建寺當山腰有泉穿屋壁而出聲泠然若絃奏前有繫虎石旁有茂林修竹森映寺宇

國朝康熙十九年重修

西禪寺在縣治西舊為學宮宋咸淳間建明洪武間修

能仁寺在縣東北宋建

元封寺在縣東六十里

大聖寺有三一在縣東十五里一在縣西三十五里一在縣西南三十里

大山頂寺在縣東八十里 包公寺縣南二十里

南萬善寺縣南四十里

永興寺縣南一名九子寺

南觀音寺縣西南四十里

慈氏寺在縣西九十里宋紹興間建明洪武間修
槎枒寺在縣西北七十里明洪武十六年建勅賜

圓通禪寺前有石塔二石碁枰一 以上定遠縣
釋迦寺在虹縣城東南隅明洪武初建

清涼寺在縣東北朱山下 潼城寺縣東北潼城河
定林寺今為虹縣城隍廟止存碑記

祥蘭寺在縣赤山 以上虹縣

棲賢寺在壽州六朝時古刹

興福寺在州西北茅仙洞

駐駕寺在州南明成祖曾駐駕於此

黃溪塔寺在州南一百三十里

以上壽州

報恩寺舊名東禪寺在鳳臺縣治東北隅有塔宋

天聖間建明洪武中修改今名

以上鳳臺縣

聖果寺在宿州東北宋治平丁未建明洪武二年

重建

上元寺州故相城內漢御史薛廣德授二龔魯詩處

中元寺在州泉山陽方汀即元之福勝院有碑

大覺寺在州西關

以上宿州

聖壽寺在靈璧縣東三里創於元時明洪武間重修
陽城寺在縣齊眉山之東明永樂初車駕駐蹕於
此

興龍寺在縣雙溝渠

九灣寺縣南九十里

魏橋寺在縣治一名普濟寺有碑文

以上靈

璧縣

會仙觀在府東十五里臨濠水面奕壇世傳有仙
人會奕於此故名

翊真觀俗稱前宮

玄妙宮俗稱後宮並在府東南

通真觀在臨淮縣昇仙坊元至治間道士王永模
創明洪武中復建內有石碑刻蓋采和像濠梁志
采和一日即市樓飲酒有五色雲覆樓上飲畢乘
雲而去今觀即其地也

玄妙觀在懷遠縣塗山舊名天慶觀元大德間改
今名

漆園觀在定遠縣治東濠梁志云唐弘道三載勅建

隱僊觀在定遠縣東南六十里宗宣和中建
真武觀在定遠縣東後街

隱真觀在虹縣東南隅元泰定間建

梓潼觀在壽州北學正黃竒士講學處

玄妙觀在鳳臺縣西北明正統間建

天慶觀即上真觀在宿州北關雍熙中回道人訪

觀主不遇題詩於壁以玉筋篆其字徃徃為人刮去煎湯療病字跡旋刮旋生

南華觀在靈璧縣治北潼山舊傳莊子嘗居此元至元間建

插花塔在宿州西南宋至正間建常燦五色毫光鄉人異之明永樂七年坍塌得舍利子十一顆佛牙一枝獻上上令火之金光燦爛乃命收舍利以佛牙給還佛會鎮塔

潁州府

資福寺在府治西南宋建明洪武十六年重修貯

藏經

新渡寺在府治宋蘇軾於此餞歐陽叔弼有詩

善現寺在府東明太祖曾駐蹕於此奉勅建亦名

北照寺

香臺寺在府沈丘浮香臺上四面皆潁水繞之

艾亭寺在府南鄉古艾亭

龍興寺舊在潁上縣通津門內元末改為倉明洪武六年重建於城外北關永寧寺在縣東門外宿緣寺縣西南五十里古南趙寺明洪武中建新興寺縣西南四十里靈臺寺縣西南五十里

水月寺縣西正陽鎮以上潁上縣

福昌寺在霍丘縣治西宋治平間建

聖壽寺縣南開順鎮宋建

圓覺寺在縣西北明洪武二十五年勅建賜額

華嚴寺縣北十里

普濟寺在縣大別山

金華寺縣芙蓉山隈

硃砂寺縣南有浮屠

蓮花寺縣南六十里

走馬崑寺在縣開順

鎮

月峯寺在縣西三里

七井寺縣長山中

香山寺縣南百里

龍泉寺縣東十五里

以上霍丘縣

咸平寺在亳州城北門內明洪武二十八年建

鐵佛寺有三一在州南三十里一在州南七十五里一在州西北四十里

北李村寺在州東南

大雲寺在州東南有石塔又一在州東南一百六十里

石佛寺有二一在州東南六十里一在東北二十五里

留鹿寺在州東南元時建

楊村寺在州東南明弘治三年建

海會寺州東南百二十五里

華嚴寺有二一在州東南百四十里一在州東百
里

晉菴寺在州西西臺上明成化七年建 以上

亳州

興國寺在太和縣東門內明景泰間建掘地得斷
碣有興國二字故名

運丘寺在縣運丘上有古檀樹幹可十圍葉蔭二畝

倪丘寺在縣倪丘東有古銀杏二株連理大可數圍

天宮寺縣東天保鄉

金佛寺縣北六十里

海眼寺縣北三十里原有二塔其一與寺俱廢其一尚存今人呼為雙浮屠

朱家淺寺縣西北七十里

以上太和縣

慈氏寺在蒙城縣東南有古浮圖一座舊名慈氏
院元至正間因故址修建明洪武十五年重修改
今名

興化寺在縣東宋建

福聖寺在縣西元延祐中建

普照寺縣西鐵牛嶺

太平寺縣西西陽集俱元建

壽聖寺縣西蒙觀鎮之後唐開元初建

普濟寺

福建寺俱在縣北元泰定五年建

以上蒙城縣

迎祥觀在府西北隅元泰定二年建明洪武中修
相傳張三丰修煉於此遺有混元衣至今猶存

靈壇觀府城內有再生檜樹

東華觀潁上縣城內元建明洪武十年重建

九仙觀在霍丘縣開順鎮 三清觀在霍丘縣西

門外

東來第一宮在府西關

國朝康熙初建

清華觀在太和縣東三十里

丹陽觀在蒙城縣西南金興定二年建後廢為預
備倉明改建於崇元觀側

慶真觀蒙城縣東北元至順元年建

清源觀蒙城縣西街明嘉靖間建

寥陽萬壽宮在亳州城內元通真子劉志義建編

修汪禧撰碑記今為軍儲倉又為儒學碑猶存

天靜宮老子所姓之地在州東福寧鎮基址猶存
有元張起巖撰碑

興國院在城父之北楊園村舊名大聖元泰定二
年改曰興國

法相禪院在亳州治宋建穆修作記

滁州

龍興寺在州城中舊名興壽院周顯德中改今名

明洪武十八年無為禪師重建

開化寺州南琅琊山唐大厯中刺史李幼卿與僧
法琛建宋太平興國中賜今額藏累朝御書明洪
武中拓而廣之今屬龍興寺

光孝寺州西南二里宋元豐間有僧淨果創報恩
光孝禪寺熙寧三年賜額壽聖政和七年改為神
霄玉清萬壽宮宣和間復為寺紹興間始賜今額
今為保豐堂

龍蟠廣福寺城南十七里僧慧江建

黃悅廣福寺州東南四十五里宋皇祐初建熙寧中賜額壽聖淳熙中改今額

葛城廣福寺州東南五十五里即莊嚴寺明天順間改今額
龍華寺在州西豐山後

新珠廣福寺州西四十里明弘治中重修

幽棲寺在州西南舊名黃草窪明萬厯初建有羅漢像五百尊

黃山寺州西八十里有石柱刻祥符元年造

法華寺州南蓼湖之西南宋嘉定間建

寶林寺在全椒縣西南唐貞觀七年建

新興寺縣西南三十里宋紹興間建

永安寺在縣東宋建

康豐寺縣南二十五

里

神山寺縣西北唐建

福山寺縣西北有古井七

石溪寺縣西七十里元至正中建

以上全椒

縣

吉祥寺在來安縣治北僧會司在焉宋建

延塘寺縣東南五十里本真覺院宋天聖三年建
治平中賜額壽聖後改今名

三城寺縣西南五十里宋慶曆三年建

孔雀寺縣西北練寺山 獨山寺縣西北三十

五里

太平興國寺縣治西北八十步唐淮南節度使劉

長慶捨宅為寺宋太平興國中賜額

龍泉寺縣東北三十里元建

寶積寺縣北石固山

白塔寺縣北六十里

新興寺縣北三十五里元至正元年建

普賢寺縣北三十里宋元祐中建明正德間修

永興寺縣北長店橋宋建

以上來安縣

梓潼觀在州城內即舊文昌宮元泰定間建

真武觀在州東即真武壇宋咸淳中建

白鶴觀在全椒縣治西唐垂拱初侍郎邢文偉建

開元觀舊在來安縣北宋淳熙間移東門內明重

修附明周之冕記

來安邑東有開元觀或曰是唐開元時建故名也余考來安有

縣起于南唐是廟乃能先縣而有且縣設之後遷廢靡定而是廟巍然獨存豈其未經兵燹耶抑神靈呵護雖兵燹而廟貌猶昔耶是皆未之或知也第所祀者為真武神帝之神徧海宇今邑之祀帝也吾誠莫測其來其著響應于前朝也吾亦不得詳其顛末惟我高皇混一寰海時東吳有士誠西楚有友諒奄有荆漢富強獨最雖吾郡鄙湖之戰殲若友諒奄有荆漢富強獨最雖吾郡鄙湖之戰殲厥渠魁而子理奔武昌阻險力守未可一鼓而下乃聖衷政爾猶豫未決入楚之師而帝儼然應之

以夢揖讓一堂語為指導自稱迎駕復許嘿助且
囑以草廬既毀成業之後欲聖祖鼎新其廟則其
靈爽赫著何如耶爰以江漢削平我聖祖思酬神
功命有司于太和舊勝置黃金殿俎豆千秋香火
之盛甲寰宇無兩嗣後威靈赫著遐邇傾慕四方
之民梯航謁拜者日不可隸首記而神且區別善
惡立著報應故其為震悔自新者不少則神之德
著於民生盛又何如也以功若彼以德若此宜乎
崇祀者徧海內何獨太和又何獨於來安惟來安
有廟最久而湫隘特甚帝嘗徵夢於別駕愚谷周
君名乃崇其棟宇廣其址基與諸
父老共維新之事成屬余為之記

梓潼觀在來安縣南

真武觀來安縣南水

口集

寶公菴全椒縣西七十里即龍山寺梁武帝建
雲隱菴全椒縣西北五十里宋嘉熙間建

全容宮在州學宮東明萬厯三年建

玉皇殿在州城西南琅琊山梁柱皆以石為之

和州

百福寺在州城內唐貞觀二年建初有五寺因名
以五華寺一曰文殊二曰泗州三曰淨土四曰彌
勒五曰百福元末俱燬於兵吳元年僧法珪重建

百福寺

廣勝寺在東北烏江鎮

香延寺在州南俱唐

建

乾明寺州東南乘駟橋東其西即宋學舊址

普明寺州東南大門山後元至正二年建

極樂寺州南四十里

梵行寺州南五十里有古塔

妙巖寺在州南裕溪北

清福寺州南二十里

晉建

延慶寺在州西長壽鄉宋熙寧三年建

莊嚴寺宋太平興國中徙苦林村有海棠洞覃春亭

開化寺在州南六十里宋元祐中建

香社寺在州北寺旁有香泉故名有昭明書院有塔寺後有二松甚奇

赭樂寺州北五十里以上沙赤故名宋嘉定十年

建

馬鞍普明寺州北馬鞍山中元無用禪師建

六墳寺州北如方山下相傳有僧六世修道此山
六墳在焉故名釋迦方誌東晉隆安初涼州沙門
釋寶雲堂遊天竺大夏解諸國音詳譯經論後自
江表幽棲六合山以終六合即今如方山此寺所
由創也

孔夫寺州北孔夫山下明嘉靖間重修有碑記

華嚴寺州東北三十里宋建

甘露寺州東北二十里元至正三年建

泉水寺州西北七十里寺有泉甚奇唐貞觀五年
建

安國寺在含山縣城西南唐貞觀中澄禪師建

褒山寺在縣北褒禪山因唐貞觀中惠褒禪師得名

宋元豐中黃庭堅王安石王回皆有記張孝祥書

寶塔額明永樂中鄭和使西域還建殿堂制度甚

工無蛛絲鼠竈云有辟塵珠所致然不知所在藏
經楮小而古蠹不敗蝕云有異香所塗住持世守
更有玉杵鍊杖金磬錦悅玻璃盤旃檀座等物或
侵或毀無復遺者

興教寺在縣東關舊名興教院唐貞觀二年鐵船
祖師創明洪武十五年重建有飲馬池卓刀泉

正覺寺在縣運漕鎮唐貞觀二年金禪師建

大善寺在縣南唐鐵禪祖師建

三塔寺在縣十四都

永興寺縣十四都有

湯泉

華陽寺在縣十四都寺後有華陽洞

雲閣寺縣北三十里唐鐵船禪師建

普明寺在縣太湖山宋元豐二年無用禪師建

佛慧寺縣西三十五里元至正間建

城山寺縣昭關山麓曲徑逶迤幽靜特甚

圓通寺縣南黃稻山

明山寺縣六都明山

淨戒寺縣南七十里唐貞觀二年守密禪師建有
彭祖煉丹井併仙室在焉 以上含山縣

元妙觀在州治西南宋熙寧六年建舊名天慶觀
元改名

淳熙觀州南四十里葛仙翁嘗煉丹於此有八卦
池宋太祖駕幸觀誕生太子又名壽寧宮

棲雲觀州西南三十里即今棗林寺

元真觀州治南宋建元燬明洪武元年復建

寶臺觀在含山縣東街宋張知觀建

長真觀在縣白石山即彭祖仙室一名白石觀

麟川觀縣南六十里

蒼山菴縣南十三都菴有龍泉禱雨輒應

雲霧菴縣北二都

三元宮在縣運漕鎮

大徹禪院在縣太湖山西鶴巖禪師建有雷鳴泉
象鼻峰洗心澗疊玉屏諸勝

廣德州

天壽寺在州治東一名開化寺唐天祐間法苑禪師建宋太平興國中賜額

聖感寺州治東南隅亦法苑禪師建宋賜額

天寧寺州城南唐元和中歸宗禪師建

定慧寺州南十五里舊名竹山寺唐咸通八年建明太祖駐師廣德更今名

唐興寺州治北三十里唐武德二年建

海會寺州治西南五十里晉義熙中建

牧馬寺州治西南

東泉寺州治東北四

十里

上辛豐寺州治西

靈山寺州治南七十里

崇法寺州治南

雲門寺州北

以上六寺俱唐建

鎖山寺州北二十里宋至道二年建

上柳寺州北二十五里宋淳熙中建

明教寺州治西宋崇寧二年建

東山寺州南宋元祐中建

右辛豐寺州南宋元

祐建

資福寺在州西宋大中祥符中建

資聖寺在州北宋大中祥符中建

保安寺州北六十里南唐保大七年建

石溪寺州治東南五十里元延祐中建

開法寺在建平縣城內
梵王寺縣東南二十

五里

寶光寺縣西南三十里

寶林寺縣西南六十里

興教寺縣南四十五里

靜覺寺縣南八十里

靜安寺縣東北二十五里

龍會寺縣東北四十

里

壽昌寺縣北三十里一名雙柏寺

玄妙觀在州治東門外舊在州南初名天慶觀唐

貞元元年易今名明嘉靖初移建

越城觀在建平縣西北二十里

陽春觀縣北二十里

存真道院在縣治東明洪武中建

六安州

觀音寺在州城西南唐建有碑刻吳道子畫大士像

文殊寺州武定門外

西安寺州通濟門俱

宋建

化城寺在州溶河西北

石佛寺州四十九都

宋建

雲居寺在州西北獨龍澗水統環其旁唐建

華嚴寺州南響河口與八仙巖相望唐開寶間建
有碑

黃蓮寺州西四十里寺前有池舊生蓮花色如金
明嘉靖間重修得斷碑載建炎年號

隆興寺州西南九公山南元建

萬壽寺在英山縣南元建

長石寺在縣治西北

萬峰寺縣西北俱宋建

神峰寺在縣西神峰山上

以上英山縣

灞臺寺在霍山縣西灞臺山元建

會勝寺在縣挹秀門外有古佛古爐皆元時舊物

復覽寺縣東二十里有聖泉三清磬異常

雲峰寺在縣西野雞嶺

水口寺在縣西三十五里仙人沖山凡數折奇削

天成諸峰環抱

以上霍山縣

佑聖觀在州東北儒林岡左宋建

太乙觀在英山縣治西元建

祐聖觀在霍山縣西

冲虛觀霍山縣南俱

元建

萬壽禪林在州通濟門外即大悲禪院內建御書樓

泗州

大聖寺在州治西唐普照王寺中宗避太后諱易

曰普光王寺燬元再建有趙孟頫記明永樂中重修

福慶寺在州治西即今觀音寺宋淳熙中建明萬曆間構藏經樓於內

臨淮寺州東四十里

明建

臥佛寺州西甓山上明建

恭覺寺州西北龍窩鎮元延祐二年建

鐵佛寺州西四十里寺有古鐵佛唐建

上龜山寺在盱眙縣西南宋天禧二年建明洪武
初重修有無梁殿鐵羅漢一百二十尊

下龜山寺在縣東三十里宋天禧間京師歲旱有
浮屠人斷臂禱雨官為起寺於龜山所謂金臂祖
師明洪武八年僧永正重建佛像皆鐵鑄

大寶塔雲寺在縣南一百二十里唐建明洪武五
年修

靜明寺縣東紫陽山宋建明景泰中修有古塔

開化寺縣西七十里宋皇祐間建明洪武中修

五塔寺縣西南面臨淮水寺後舊有五塔下有石

室三聯即今之歸雲洞

靈巖寺在縣西浮山頂上 以上盱眙縣

真勝寺在天長縣東梁普通間達磨建明洪武中修

羅漢寺在縣東唐貞觀中建明洪武間修

地藏寺在縣東北 大悲寺在縣西俱唐建

寶定寺縣西南三十五里明洪武中建

勝因禪寺縣東南四十五里宋建

禪林寺縣東北城門鎮東元至正五年建

天官寺縣東橫山明洪武二十二年重建

宣梵寺縣西四十五里元文宗時建明正統間浚

古井獲石佛三十有六 以上天長縣

壽聖寺舊在五河縣北宋德祐中建明洪武十九

年移建於縣西

三清觀在州治西宋咸淳九年建明洪武三十年修

瑞巖觀在盱眙縣玻璃泉南石巖上宋時女冠朱妙真建明永樂間修真妙觀在盱眙上龜山至道觀在天長縣治宋建

玄妙觀在天長縣北即真武祠


天保宮在五河縣東南明嘉靖二十五年改建四十年重修為祝慶之所

觀音院在州東門山宋嘉祐間建明洪武中修
嘉祐院在盱眙縣昭信集宋建

興教塔院在天長縣銅城鎮明洪武二年重建

真武廟在州北門城上即今老君堂明洪武初建
靈瑞塔在州城西唐景龍中建宋太平興國七年
奉勅重建塔高十三級改名雍熙塔後燬元延祐
二年改建甃塔高一百五十尺基廣二十一丈有
趙孟頫碑記

國朝順治九年重修



江南通志卷四十八

欽定四庫全書

史部

江南通志卷四十九

詳校官給事中臣丁雲錦

檢討臣德生覆勘

總校官編修臣王燕緒

校對官編修臣勵守謙

謄錄監生臣沈立銘

欽定四庫全書

江南通志卷四十九

河渠志

水有四瀆其三在江南境內入海以水與平地較得十之五六故稱澤國而言治水者先江南我

國家特設重臣經理或專使領其事或大吏董其成
審斷神謀所以講明區畫之者必已治益治而萬世保
其安其間天事與人力相應順導與周防並施漕

運農田上下咸蒙其利益費莫鉅焉功莫崇焉爰
次河淮江海與夫運河水利為類七為卷十有八
述河渠志第二

黃河一

禹貢九河在今德州以上河間數百里之地河入
海乃在碣石此禹時故道也周定王五年河決礫
溪稍徙而東至漢元光三年春河徙從頓丘東南
流夏復決濮陽瓠子注鉅野道淮泗自是河徙東

郡入勃海始失禹舊迹屢塞復決遷徙泛濫班固
以為河羨溢害中國尤甚者也其後河入千乘而
德棣之河又播為八漢世所指以為太史馬頰者
偶合於禹迹故訖東都至唐河不為害者千數百
年宋太平興國八年河決鄆州黃陵埽浮鉅野入淮
入於淮咸平三年河決鄆州黃陵埽浮鉅野入淮
泗天禧三年滑州河溢歷澶濮曹鄆注梁山灤又
合清水古汴渠東入於淮皆旋塞至神宗熙寧十

年七月乙丑河大決于澶州曹村澶淵北流斷絕
河道南徙東匯於梁山張澤灤分為二派一合南
清河入於淮一合北清河入於海明丘濬定為黃
河入淮之始者也元豐元年四月澶州決口塞五
月新隄成閉口斷流河復歸北至金明昌五年河
決陽武徙封丘河始大半入淮而北清河之流猶
未絕明洪武二十四年河決原武東經開封府城
北五里又南行至項城經潁上東至壽州自是河

全入於淮而故道悉淤矣嘉靖六年前河分爲六道其兩道由河南鳳泗入淮其四道由小浮橋飛雲橋大小溜溝入海時則河行開歸徐沛之地其後開歸沛諸流復堙而全河悉經徐州以入於淮矣今按河所經在江南境者其道自河南之夏

邑山東之單縣東行入碭山縣北

河舊在碭山縣治南三十里明

嘉靖三十七年河徙始出縣北

又東逕豐縣南

河去縣治三十里

又東逕

沛縣南其南岸則蕭縣

河舊在蕭縣治北五十里去沛甚近萬曆三十四年

河復決而南自是蕭去河纔十五里而沛則去河五十餘里又東逕徐州府治

北

河去府治北二里

又東逕靈璧縣北

河去縣治一百二十里

又東

南逕睢寧縣北其北岸則邳州

河在邳州南門外去睢寧縣治五十

里

又東逕宿遷縣南

河去縣治四里

又東逕桃源縣北

河去

縣百餘步

又東逕清河縣南與淮水合流

河去縣治一里入淮處謂

之清口本名泗口自徐城東北至此皆古泗水為河所奪也縣西三十里有三汊河口泗水至此分

為大小二清河大清河經縣治東北入淮俗稱老黃河今漕渠小清河于縣治西南入淮即今之清

口也

又東逕淮安府治北

河去府治三十里

又東逕安東縣

南歷雲梯關而東北入於海

河去縣二里自清口至此皆古淮水為河

所奉也海自鹽城縣東北逕山陽縣東折而西北為黃淮入海之口其北岸則安東也雲梯關在縣

東北一百里又東北一百八十里為大海

自海委仰溯河源蟠亘萬餘

里其流高而遠濁而勁宋以前河自入海尚能為

瀕河州郡之害況今河淮二瀆併合為一又自清

河縣之清口以下沁泗沂諸水皆與河會而以下

淮水為委輸則人事之修治以為東南赤子奠寧

保聚之計者尤亟而自元至元以後會通之漕寔

資河水濟運則東南數百萬石遠輸

天庾此為喉要故前明區畫甚詳然明議河事者言
人人殊其始也大約重䟽濬之利而輕隄防之功
卒之流緩勢弱沙澱日高至於金河改徙其繼也
復欲棄隄防之舊而就䟽浚之新卒之河不兩強
方開復塞至於勞費罔績是知䟽九河為禹之大
智而不知陂九澤為禹之大法知隄防為周戰國
之權謀而不知鑿空為宋新法之無用豈非治名

不治實議論多而無所折中歟我

朝自

聖祖仁皇帝南巡視涖河工指授方畧首導歸壑次權蓄

泄次夷衝險

聖神天縱

睿算周至俾黃運底績

國計民生萬世利賴

世宗憲皇帝宵旰經營知人善任誠敬昭格河清獻瑞明

德神功上邁禹謨矣謹撰次宋以來治河入江南
者悉條繫始末以著

昭代成烈云

宋天禧三年六月乙未滑州河溢歷澶濮曹鄆四州
又合清水古汴渠東入於淮州邑罹患者三十二
遣使賦諸州薪石楨橧芟竹之數千六百萬發兵
夫九萬人治之王貽永知徐州作隄城南以禦水
四年二月河塞羣臣入賀上親為文刻石紀功宋

史河渠志舊制歲虞河決有司常以孟秋預調塞治之物梢芟薪柴梃櫪竹石芟索竹索凡千餘萬謂之春料詔下瀕河諸州所產之地仍遣使會同河渠官吏乘農隙率丁夫收采備用凡伐蘆荻謂之芟伐山木榆柳枝葉謂之梢辦竹糾芟為索以竹為巨索長十尺至百尺有差先擇寬平之所為掃場埽之制密布芟索鋪梢梢索相重壓之以土雜以碎石以巨竹索橫貫其中謂之心索卷而束

之復以大芟索繫其兩端別以竹索自內旁出其
高至數丈其長倍之凡用丁夫數百或千人雜唱
齊挽積置於卑薄之處謂之埽岸既下以橛杲闔
之復以長木貫之其竹索皆埋巨木於岸以維之
遇河之橫決則復增之以補其缺凡埽下非積數
疊亦不能遏其迅湍又有馬頭鋸牙木岸者以戢
水勢護隄焉

熙寧十年七月乙丑河大決於澶州河道南徙合

南清河入於淮

蘇軾知徐州河水溢南清河匯於城下軾築東南
長隄首起戲馬臺尾屬於城城賴以全請復調來
歲夫增築故城為木岸朝廷從之穀山筆麈熙寧
十年河南徙合清入淮之道即今沂泗南流由徐
邳入淮之道宋元明以來未之有改也

金大定二十七年以徐州彭城蕭豐滕州沛

屬今徐州府

州長貳皆提舉河防事縣令佐皆管勾河防事金

史河渠志御史臺言自來沿河京府州縣官坐視
管內河防缺壞畧不介意若令於名銜管勾河防
事如任內規措有方能禦大患或守護不謹以致
踈虞臨時奏聞以議賞罰上從之禹貢錐指徐州
之彭城蕭豐滕州之沛皆為沿河之地則當時河
流所經大畧可睹也

明昌五年春正月尚書省奏都水監丞田櫟請於
北清河北岸牆村決河入梁山灤故道依舊作南

北兩清河分流上令宰臣集百官詳議卒寢不行
是年河決陽武故隄灌封丘而東詔同知都轉運
使高旭武衛軍副都指揮使女奚列奕同往規措
禹貢錐指金吉甫云河至紹熙甲寅南連大野并
行泗水入淮於是有南北清河之分北清河即濟
水故道南清河并泗入淮今淮安之西二十里對
岸清河口是也攷宋光宗紹熙五年甲寅即金章
宗明昌五年是歲河徙自陽武而東歷延津封丘

長垣蘭陽東明曹州濮州鄆城范縣諸州縣界中
至壽張注梁山灤分為二派北派由北清河入海
今大清河自東平歷東阿平陰長清齊河歷城濟
陽齊東武定青城濱州蒲臺至利津縣入海者是
也南派由南清河入淮即泗水故道今會通河自
東平歷汶上嘉祥濟寧合泗水至清河縣入淮者
是也按宋史河渠志南北清河之名已見於熙寧
十年不自金明昌五年始禹貢錐指又以丘濬言

宋熙寧十年河入淮之始為誤援据天禧咸平太平興國溯至漢元光時河決史皆載入淮之文今攷河道南徙合清入淮寔自宋熙寧始前此遠有經流餘波所入不可謂河入淮之始也

元大德元年三月徐州邳州宿遷睢寧等縣河水大溢

皇慶二年六月河決陳亳睢三州

延祐三年潁州泰和縣河溢

泰定元年河始行汴渠至徐州城東北合泗入淮
禹貢錐指河自徐州北東南流至城東北合於泗
水泗水自沛縣入州境循城而東一曰清河又曰
泉河其後為運河亦名牖河元初黃河由渦入淮
至泰定元年由汴河決入清河自是遂為大河之
經流

至正四年六月河決金堤碭山豐沛皆罹水患
九年五月白茅河東注沛縣成巨浸

十一年四月命賈魯以工部尚書為總治河防使
便宜興繕十一月工竣河復故道元史河渠志先
是魯為都水使者詣河相視驗狀為圖以二策進
獻一議修築北隄以制橫潰一議䟽塞並舉挽河
使東行以復故道至是托克托韙其後策薦於帝稱
昔十一年四月命魯為總治河防使便宜興繕是
月鳩工十一月水土工畢諸埽諸隄成河乃復故
道南匯於淮又東入於海河防一覽黃河故道自

虞城以下蕭縣以上夏邑以北碭山以南由新集
歷丁家道口馬牧集韓家道口司家道口牛黃堽
趙家園至蕭縣薊門出小浮橋此賈魯所復故道
靳輔治河書昔賈魯治河用沉舟之法人皆稱之
竊嘗疑河底淺深坦陷不一唯草柳性柔一經壓
擠則周遭克滿故塞決必用埽今以至平之舟底
而沉之淺深坦陷不一之湍流則埽根透溜之患
必有不俟終日而見者然以魯之才其成功如此

必非孟浪尋繹至正河防記知魯之沉舟以之代
壩而逼水非以之塞決而合龍也蓋彼時故河業
已通流但決河勢大水流多於故河十之八又適
當秋漲洄漩湍急埽不能下又其上逼水三隄短
弱而勢不支恐埽行一遲水盡湧決決則故河復
淤前功盡隳因急沉舟為壩以逼之所謂搶救也
迨至船埽四隄並就河勢南流然後塞決耳不然
魯於九月七日沉舟而龍口之合何直至十一月

十一日耶按賈魯河道自徐州府北門外小浮橋
以上至河南考城縣西之白茅河當時施功在江
南之地者什五六第今河道久堙故河防記所載
地名多不可曉耳自賈魯之復河故道至明嘉靖
三十六年北徙中間二百餘歲雖漫溢靡常未嘗
遷改其後自萬曆六年議復河故道以工鉅寢之
司河者每以為言又其治法為後世所用或互有
損益或名異寔同其有造於河不為小補也故詳

考備考錄無復拘文多不載之例云

附

歐陽玄至正

河防記

治河一也有疏有濬有塞三者異焉濬河之流因而導之謂之疏去河之淤因而深

之謂之濬抑河之暴因而扼之謂之塞疏濬之別有四曰生地曰故道曰河身曰減水河生地有直有紆因直而鑿之可就故道故道有高有卑高者平之以趨卑高卑相就則高不壅卑不淤慮夫壅生潰潴生堙也河身者水雖逆行身有廣狹狹難受水水氾悍故狹者以計關之廣難為岸岸善潰故廣者以計禦之減水河者水放曠則以制其狂水墮突則以殺其怒治隄一也有柳築修築補築之名有刺水隄有截河隄有護岸隄有總水隄有石船隄治埽一也有岸埽水埽有龍尾欄頭馬頭埽埽其為埽臺及推卷牽制薙挂之法有用土用石用鐵用草用木用杙用絙之方塞河一也有缺

口有豁口有龍口缺口者已成川豁口者舊常為
水所豁水退則口下於隄水漲則溢出於口龍口
者水之所會自新河入故道之深也其藩故道深
廣不等通長二百八十里百五十四步而強功始
自白茅長百八十二里繼自黃陵岡至南白茅關
生地十里口初受廣百八十步深二丈有二尺已
下停廣百步高下不等相折深二丈及泉曰停曰
折者用古算法因此推彼知其勢之低昂相準折
而取勻停也南白茅至劉莊村接入故道十里道
折壘廣八十步深九尺劉莊至專固百有二里二
百八十步道折停廣六十步深五尺專固至黃岡
壘生地八里而廣百步底廣九十步高下相折深
大有五尺黃岡至哈只口長五十一里八十步相
折停廣壘六十步深五尺乃落四里減水河通長
九十八里百五十四步四里村缺河口生地長三
里四十步而廣六十步底廣四十步深一丈四尺

自四里生地以下舊河身至張贊店長八十二里
五十四步上三十六里壑廣二十步深五尺中三
十五里壑廣二十八步深五尺下十里二百四十
步壑廣二十六步深五尺張贊店至楊青村接入
故道壑生地十有三里六十步而廣六十步底廣
四十步深一丈四尺其塞專固缺口修隄三重並
補築四里減水河南岸豁口通長二十里三百十
有七步其前築河口前第一重西隄南北長三百
三十步面廣二十五步底廣三十三步樹置椿板
寔以土牛草葦雜梢相兼高丈有三尺隄前置龍
尾大埽言龍尾者伐大樹連梢繫之隄旁隨水上
下以破壘岸浪者也築第二重正隄並補兩端舊
隄通長十有一里三百步缺口正隄長四里兩隄
相接舊隄置椿堵閉河身長百四十五步用上牛
草葦梢土相兼修築底廣三十步修高二丈其岸
上土工修築者長三里二百十有五步有奇高廣

不等通高一丈五尺補築舊隄者長七里三百步
表裏培塿七步增卑六尺計高一丈築第三重東
後隄并接修舊隄高廣不等通長八里補築四里
減水河南岸缺口四處置椿木草土相兼長四十
七步於是塞黃陵全河中及岸上修隄長三十
六里百三十六步其修大隄刻水者二長十有四
里七十步其西復作大隄刻水者一長十有二里
百三十步內砌築岸上土隄西北起李八宅西隄
東南至舊河岸長十里百五十步顛廣四步趾廣
三之高又有五尺仍築舊河岸至入水隄長四百
三十步趾廣二十步顛殺其六之一接修入水兩
岸埽隄並行其法以竹筴寔以小石每埽不等以
蒲葦綿腰索徑寸許者從鋪廣可一二十步長可
二三十步又以曳埽索綯徑三寸或四寸長二百
餘尺者銜鋪之相間復以竹葦麻藤大緯長三百
尺者為管心索就繫綿腰索之端於其上以草數

千束多至萬餘勻布厚鋪於綿腰索之上索而網
之丁夫數十以足踏定推卷稍高即以水工二人
立其上而號於衆衆聲力舉用小大推梯推卷成
埽高下長短不等大者高二丈小者不下丈餘又
用大索或互為腰索轉致河濱選健丁操管心索
順埽臺立踏或挂之臺中鐵貓大板之上以漸就
之下水埽後掘地為渠陷管心索渠中以散草厚
覆築之以土其上復以土牛雜草小埽稍土多窠
厚薄先後隨宜修疊為埽臺務使牽制上下鎮密
堅壯互為倚角埽不動搖日力不足火以繼之積
累既畢復施前法衣埽以壓先下之埽量水淺深
制埽厚薄疊之多至四埽而止兩埽之間置竹絛
高二丈或三大圍四丈五尺定以小石土牛既滿
繫以竹纜其兩旁並埽密下大椿就以竹絛上大
竹腰索繫於椿上東西兩埽及其竹絛之上以
草上等物築為埽臺約長五十步或百步再下埽

即以竹索或麻索長八百尺或五百尺者一二雜
廁其餘管心索之間俟婦入水之後其餘管心索
如前懸挂隨以管心長索逐置五七十步之外或
鐵錘或大椿曳而繫之通管束累日所下之婦再
以草土等物道修成隄又以龍尾大婦密挂於
隄大椿分析水勢其隄長二百七十步北廣四十
二步中廣五十五步南廣四十二步自顛至趾通
高三丈八尺其截河大隄高廣不等長十有九里
百七十七步其在黃陵北岸者長十里四十一步
築岸上土隄西北起東西故隄東南至河口長七
里九十七步顛廣六步趾倍之而強二步高丈有
五尺接修入水施土牛小婦稍草雜土多寡厚薄
隨宜修疊及下竹絡安大椿繫龍尾婦如前兩隄
法唯修疊壘增用白闌小石並婦上及前游修婦
隄一長百餘步直抵龍口稍北攔頭三婦並行婦
大隄廣與刺水二隄不同通前列四婦間以竹絡

成一大隄長二百八十步北廣百一十步其顛至
水面高大有五尺水而至澤腹高二丈五尺道高
三大五尺中流廣八十步其顛至水面高丈有五
尺水面至澤腹高五大五尺通高七丈并新築縷
水橫隄一東起北荷河大隄西抵西刺水大隄又
一隄東起中刺水大隄西抵西刺水大隄通長二
里四十二步亦顛廣四步趾三之高丈有二尺修
黃陵南岸長九里百六十步內鞞岸土隄東北起
新補白茅故隄西南至舊河口高廣不等長八里
二百五十步乃入水作石船大隄蓋由是秋八月
二十九日乙巳導故河流先所修北岸西中刺水
及截河三隄猶短約水尚少力未足恃決河勢大
南北廣四百餘步中流深三丈餘益以枝濠水多
故河十之八兩河爭流近故河口水刷岸北行泗
流湍激難以下埽且埽行或遲恐水盡湧入決河
內於故河前功遠贖魯乃精思障水入故河之方

以九月七日癸丑逆流排大船二十七艘前後連以大桅或長樁用大麻索行繩絞縛級為方舟又以大麻索竹繩用船身纏繞上下令牢不可破乃以鐵樁於上深淺之水中又以竹繩絕長七八百尺者繫兩岸大樑上每繩或碰二舟或三舟使不得下船腹裏鋪散草滿貯小石以合子板釘合之復以埽密布合子板上或二重或三重以大麻索縛之急復縛橫木三道於頭桅皆以索維之用竹編笆夾以草石立之桅前約長丈餘名曰水簾桅復以木梢柱使簾不偃仆然後退水工便挽者每船各二人執斧鑿立船首尾岸上槌鼓為號鼓鳴一時齊鑿須臾舟穴水入舟沉遏決河水怒溢故河水暴增即重樹水簾令後復布小埽土牛白闌長間雜以草土等物隨車填塬以鐵之石船下諸寔地出水基址漸高復卷大埽以壓之前船旁畧定亦用前法先餘船以竟後功皆曉百刻役夫分

番任勞無少間斷船隄之後草埽三道並舉中置
竹路嵌石並埽置椿繫纜四埽及絡一如修北截
水隄之法第以中流水深數丈用物之多施功之
大數倍他隄船隄距北岸纔圖五十步勢迫東流
峻若自天降深淺巨測於是先卷下大埽約高二
丈者或四或五始出水而修至河口一二十步用
工尤艱薄龍口喧騰猛疾勢撼埽基陷裂敢傾俄
遠故所觀者股弁衆議騰沸以為難合然勢不容
已魯神色不動機解旋出進官更工徒日加獎諭
辭指懇切衆皆感激赴工十一月十一日丁巳龍
口遂合決河絕流故道復通入於隄前道卷闌頭
埽各一道多者或三或四前埽出水管心大索繫
前埽碇後闌頭埽之後後埽管心大索亦繫小埽
碇前闌頭埽之前後先羈縻以錮其勢又於所交
索上及兩埽之間歷以小石白蘭土牛草土相半
厚薄多寡相勢措置埽隄之後自南岸復修一隄

旅已閉之龍口長二百七十步船隄四道成隄用
農家場圃之具曰輓軸者穴石立木如比栒輓前
端之旁每置一輓軸以橫木貫其後又穴石以徑
二寸餘麻索貫之繫橫木上密挂龍尾大歸使夏
秋潦水冬春凌渾不得肆力於岸魯常有言水工
之功視土工之功為難中流之功視河濱之功為
難決河口視中流又難北岸之功視南岸又難用
物之效草雖至柔柔能狎水水漬之生泥泥與草
併力重如碗然維持夾輔纜索之功寔多
茲由魯習知河事故其功之所就如此

明洪武八年大河南決挾潁入淮

二十四年河決原武之黑陽山東經開封又南行
至項城經潁州潁上東至壽陽鎮全入於淮故道

遂於

永樂十四年河決開封經懷遠縣由渦河入淮

正統三年八月乙丑直隸淮安府邳州河決巡撫
曹弘以聞詔隨宜修築

十二年秋七月河決滎澤入淮工部尚書石璞治
之

十三年河決滎陽縣東抵項城達太和又西南達
潁州注於淮

是年河決滎澤縣孫家渡口入汴至壽州入淮

七月河又決滎陽東南經陳留自亳入渦口又經

蒙城至懷遠界入淮

太和縣志俗呼為惠民河即宋時漕河也上通古汴下達

淮

弘治二年開榆木集口導河流經虞城碭山四口

衝經蕭縣出小浮橋

五月河決汴城入淮復決黃陵岡入海命戶部侍

郎白昂兵部郎中婁性治決河昂於滎澤開渠導

河由陳潁至壽州合淮水入海又築渠堰於徐州以殺河勢

三年戶部侍郎白昂南京兵部郎中婁性築隄浚渠於徐淮之間自夏五月至秋七月工竣明孝宗實錄弘治三年正月戶部侍郎白昂奏臣奉敕修治張秋決河由淮河相度水勢至於河南中年等縣見其上源決口南決者自祥符縣界折為二支一合潁水下塗山入於淮一入渦河下荆山入於

淮又一支自歸德州通鳳陽之亳縣亦合渦河入於淮北決者一支入金龍等口至山東曹州等處衝入張秋運河去冬水消沙積決口已淤因併為一大支由祥符之翟家口合沁河出丁家道口等處俱下徐州臣以為合潁渦二水而入於淮者其間各有灘磧水脉頗微宜疏濬以殺河勢合沁水而入於徐者則以河道淺隘不能容受方有漂沒之虞況上流金龍等口雖幸暫淤久將復決宜於

北流所經七縣築為隄岸以衛張秋已與河南巡撫等官議行之然所司議開河道徐淮境內河所經要地擬議未及其事尚無所統下工部議請復令昂會同巡撫等詳議修濬事宜以聞從之吳寬康敏白公傳公浚宿州古淮河入運道以分徐州之勢築蕭縣徐集等口以殺汴徐之勢通鑑記事本末白昂引中牟之決以入淮浚宿州古睢河以達泗自小河西抵歸德飲馬池中逕符離橋而南

皆浚而深廣之又疏月河十餘以殺其勢塞決口

三十六河入汴汴入睢睢入泗泗入淮以達於海

水患稍息徐溥浚睢河記略

弘治二年河失故道益淹汴及汴隄

上命今戶部侍郎白公昂往治之公舉異君為副而屬以睢河之役要君相其便宜自宿遷而上至歸德而止並加疏浚使淺者深隘者闊其旁民居田畝悉築隄以護崇一丈九尺於符離橋南鑿月河一道長五百丈闊十丈深二丈五尺沿河置減水閘七及浚渠五皆為防河計也

六年二月命右副都御史劉大夏修治決河南河

全考河決張秋東隄奪汶水以入海河流湍悍決

口濶九十餘丈劉大夏行視之曰是下流未可治
治上流先導之南行且築長隄以防大名山東之
患候河頗循軌而後河可塞也於是濬賈魯舊河
四十餘里由曹出徐以殺水浚孫家渡開新河七
十餘里導使南行由中年至潁以入淮又浚四府
營淤河由陳留至歸德醜為二一由符離出宿遷
一由亳渦會於淮張秋決口既塞又起河南胙城
經滑長垣東明曹單諸縣下盡徐州作長隄亘三

百六十里即今大行隄也按宋史河渠志慶歷八年河決澶州商胡埽北注乾寧軍入海是謂北流嘉祐五年河分於魏之二股河東至德滄入於海是謂東流東流至祥符初遂塞北流自元符南徙陽武又南奪汴則商湖以南諸流漸次淤絕至明弘治七年築斷黃陵岡北流永塞而後之司河者遂專治奪汴入泗合淮入海之河以為翕由之故道矣

附劉健記畧

河南決口之塞黃陵岡原合屢決既塞之後特築隄三重以護

之東西各三百
餘里直達徐州

正德五年工部侍郎李鏜請築隄防河北徙從之
明武宗實錄五年九月河自儀封北徙衝黃陵岡
入賈魯河汎濫橫流直抵豐沛工部侍郎李鏜上
修河事宜請起自大名府地名三春柳至沛縣飛
雲橋止築隄共長三百十里正以防河北徙可保
運道無虞雖若一時工役重大而於久遠終為有
益工部覆請從之

嘉靖五年以河道都御史章拯為工部侍郎會撫
按官相度治河明世宗實錄五年六月戊寅徐沛
河水溢巡按直隸御史戴金言黃河入淮之道有
三一自中年至荆山合長淮之水曰渦河一自開
封府經葛岡小壩丁家道口馬牧集鴛鴦口徐州
出小浮橋曰汴河一自小壩經歸德城南飲馬池
至文家集經夏邑至宿遷曰白河弘治間黃河變
遷渦河白河二道上源年久湮塞而徐州獨受其

害若自小壩至宿遷小河一帶并賈河鴛鴦口文
家集壅塞之處逐一挑浚使之流通則趨淮之水
不止一道而徐州水患可以少殺矣提督漕運總
兵官楊宏言徐州上流若歸德州小壩河丁家道
口河亳州渦河宿遷小河等處俱有黃沁分流夫
派故道宜於此開浚或有捷路可開亦從其便庶
可以分殺水勢漕運都御史高友璣河道都御史
章拯亦屢以為言俱下工部議覆言宜行各官勘

議會奏施行至於浚賈魯之故道開渦河之上源
則工夫難成未可輕舉又言沛縣一帶牯河應築
之工誠不容緩宜令各官逐一相度黃河水勢向
背牯河地勢高下講求疏浚之法詔如所議命章
拯督同山東河南淮揚撫按官親詣地方相度將
戴金楊宏所奏斟酌築浚選委司府勤能官鳩工
庀事以濟漕運

六年河決徐州及曹單城武豐沛等縣楊家口梁

靖口等處衝入雞鳴臺沛北皆為巨浸東溢逾漕
入昭陽湖光祿少卿黃綰左都御史胡世寧並建
議治河疏下總督大臣議行之按明世宗寔錄所
載黃綰疏欲挽河使北及造滾江龍之類正劉天
和所云不切河患者今祇錄胡世寧一疏附左都

御史胡世寧疏略

河流分則勢小合則勢大河身
寬則勢緩狹則勢急治河者順

其性則易逆其性則難故曰不與水爭利此其大
法也河自汴以來南分二道一出汴城西榮澤經
中牟陳潁至壽州入淮一出汴城東祥符經陳留
亳州至懷遠入淮其東南一道自歸德宿州經虹

縣隄寧至宿遷出其東分五道一自長垣曹鄆至
陽穀出一自曹州隄河口至魚臺塌場口出一自
儀封歸德至徐州小浮橋出一由沛縣南飛雲橋
出一自徐沛之中境山北溜溝出六路皆入漕河
而總南入淮今諸道皆塞唯沛縣一道僅存所謂
合則勢大而河身且狹不能容納故溢出豐沛徐
為患近又漫入昭陽湖故流礙沙壅運道逆塞今
宜因其故道而分其勢其在汴西榮澤豫家渡至
壽州一道宜長濬以分其上流自汴東南出懷遠
宿遷二道及正東小浮橋溜溝二道各宜擇其利
便者開濬一道以分其下流或修武城以南廢隄
至豐單之黃德賀岡楊明等集接至沛縣之北廟
道口築隄塞決以防其
北流此治河之急務也

七年總理河道侍郎潘希

曾請浚黃河上流修築濟沛間東西長隄得旨允

行

附

潘希曾疏略

漕渠廟道口以下忽於數十里者由決河西來橫衝廟道口之

上並掣肅河之水東入昭陽湖以致肅水不復南
流而沛縣飛雲橋之水時復北漫故也今宜於漕
市間加築東隄以過入湖之路更築西隄以防黃
河之衝則水不散溢而廟道口可永無淤塞之虞
仍於黃河上流分浚趙皮寨孫家渡二處
二水無通則橫流以殺而運道可保無虞

八年六月豐沛單三縣河隄成凡一百四十餘里

九年五月河道侍郎潘希曾疏奏河復故道詔下

所司知之

附

潘希曾疏略

本年六月以來河決曹縣胡村寺東衝開一道

開三里之餘東南入古蹟黃河由丁家道口至徐
州小浮橋入運河胡村寺東北衝開一道闊一里

有餘又分二支東南支經虞城縣至碭山縣合古
蹟黃河出徐州東北支經單縣長隄至魚臺縣漫
為坡水傍穀亭入運河其單豐沛三縣黃河賴長
隄障廻今沙淤平濶民多耕作夫黃河由歸德至
徐入漕者故道也全河復其故道則患害已遠矣
流達於魚臺則濶濶無虞此漕運之利國家之福

潘希曾答司空劉麟書黃河為中原患非一日矣
智者不與水爭地唯順其勢而導之後世或塞其
決或隄其卑或疏其派皆隨時救患者也國家漕
渠為南北咽喉勢不得不與河爭地弘治初河決
荊隆口又決黃陵岡又決張秋當時嘗浚孫家渡

宿遷小河而後荆隆黃陵張秋可塞此分洩河怒
之驗也況自河南歷直隸至山東之曹縣恃長隄
以禦河患亦既有年今單豐沛為隄獨不可以捍
禦乎蓋事理可據與人力可為者如是而已

十三年正月河道都御史朱裳奉詔會工部郎中
郭秉聰韓廷偉等相度處置河事陳疏濬隄防之

要從之

附

朱裳等疏略

黃河自古為患惟我國朝
則備之以濟運渠之利故

治河與古不同古也導之北以順夫就下之性今
也導之南以避其衝決之虞臣等考求其策疏濬

築三者而已漕渠窄溢洪胸束捍全河入運勢自不容要在分其流以殺其勢今梁靖口趙皮寨幸已疏通孫家渡亦行挑浚惟渦河一支因趙皮寨下流睢州野雞岡於正河五十餘里漫於平地注入渦河宜挑濬深廣導引汶水歸入正河河過魚臺其流漸北將有趙濟寧趙安平東入於海之漸宜將魯橋至沛縣東隄一百五十餘里修築堅厚相其要害固之以石洩之以壩自城武縣至濟寧州初築濶水大隄百五十餘里以防北溢清江浦口正當黃淮會合之衝二河水淺漫入河口以致淤塞阻滯糧運宜疏使深廣而又築隄以防外漲築壩以護行舟河出魚臺雖曰借以利漕然未有數十年不變者且他徙則徐淮南必至乾涸宜大浚山東諸泉以匯於汶河修築南北旺湖隄壩壩以通蓄洩則徐沛之渠不患乾涸矣

十四年河道都御史劉天和條議前河臣朱裳等

會勘治河事宜工部覆如所議從之劉天和問水

集一治河之要

錄二
條

治河決必先疏支河以分

水勢必塞始決之口而下流自止 河性湍悍如

欲殺北岸水勢則疏南岸上流支河上策也然支

河或不順水勢則雖開而復淤

一隄防之制

錄三

條

凡勸築隄必擇堅寔好土毋用浮雜沙泥必

乾濕得宜燥則每層須用水灑潤必於數十步外

平取尺許毋深取成坑致妨耕種毋仍近隄成溝
致水浸沒必用新製石夯每土一層用夯密築一
遍次石杵次鐵尖杵各築一遍復用夯築平隄根
宜濶隄頂宜狹俾馬可上下謂之走馬隄毋太峻
水易衝嚙凡幫隄必止幫隄外一面毋幫隄內恐
新土水漲易壞 隄防重複至四五道者往往衝
決蓋修築不堅一也工程報完已矣管河監司府
貳不復省驗二也舊隄日就坍塌損車馬行人踐踏

成路不復巡視完補禁治三也自今勸築者必用
新發尺式必編號必分定州縣工程丈尺及官夫
名數必置籍備紀府貳必身親督理指授工成監
司必親閱寔舊隄必委屬時一巡視完補車馬行
人路口之隄必兩廂各築闊厚斧刃觀隄俾車可
上下隄面邊廂路口各限以橫埋丈餘圓木上覆
以土守隄者每遇踐踏木露即仍以土覆之隄內
外柳株稀少者補植之 歷年築隄率以高一丈

或一丈二尺為準但地勢不一如地勢原下隄即
卑矣凡築隄以高阜或平地高若干為準然必逐
段用平準法打量因地勢高下而低昂之俾隄面
遠近高下一律否則胎患非小也但平準極難須
水面浮板并於上兩端小橫木并前木表橫板之
厚薄長短廣狹皆極其均停端正而打量之人目
力詳審且再三試果無差忒而後可憑也 一疏
濬之制

錄四條

疏支河以分水勢治河要法顧水

有向背地有高下治水者因其勢而利導之斯善
矣然河之所向不可限量趙皮寨口之開冀少殺
東流爾不數年而全河從此南徙苟非運道事重
是移曹單魚臺之患於睢歸矣不可不審也 開
河面宜廣俾伏秋水漲有所容底宜深而狹視面
僅可四之一形如鍋底俾冬春水落流迅可免淤
塞近年率為平底而淺兩失之矣 疏濬河泥必
遠置河岸四十步外平鋪地上免妨耕種用隄者

即以之成隄母仍臨河免致雨水衝洗仍歸河內
凡驗築隄之工必逐段橫掘至底而後見舊以
錐刺無益也 一植柳六法一曰臥柳凡春初築
隄每用土一層即於隄內外邊廂各橫鋪如錢如
指柳枝一層每一小尺許一枝母太稀疏土內橫
鋪二小尺餘土面止留二小寸母過長自隄根直
栽至頂不許間少二曰低柳凡隄不係栽柳時月
修築者俱候春初用小引柳於隄內外自根至頂

俱栽柳如錢如指大者縱橫各一小尺許即栽一株亦入土二小尺許土面亦止留二小寸三曰編柳凡近河數里緊要去處不分新舊隄岸俱用柳椿如雞子大四小尺長者用引板先從隄根密栽一層六七寸一株入土三小尺土面留一尺許却將小柳臥栽一層亦內留二尺外留二三寸却用柳條將柳椿編高五寸如編籬法內用土築寔平滿又臥栽小柳條編高五寸於內用土築寔平滿

如此二次即與先栽一尺柳椿平矣却於上退四
五寸仍用引板密栽柳椿一層亦栽臥柳編柳各
二次亦用土築寔平滿如隄高一丈則依此栽十
層即平矣以上三法專為固護隄岸將來內則根
株固結外則枝葉綢繆名為活龍尾埽雖風浪衝
激可保無虞而枝梢之利亦不可勝用矣四曰深
柳前三法止可護隄以防漲溢之水如倒岸衝隄
之水亦難矣凡近河及河勢將衝之處隄岸雖速

俱宜急栽深柳將所造長四尺長八尺長一丈二尺數等鐵裹引極自短而長以次釘穴使深然後將勁直帶梢柳枝如根梢俱大者為上否則不拘大小惟取長直但下如雞子上儘枝梢長如式者皆可用連皮栽入即用稀泥灌滿穴道毋令動搖上儘枝梢或數枝全留切不可單少其出土亦須二三尺以上每縱橫五尺即栽一株仍視河勢緩急多栽則十餘層少則四五層數年之後下則根

株固結入土愈深上則枝梢長茂將來河水衝噬
亦可障禦或因之外編巨柳長椿內實稍草埽土
不猶愈於臨水下埽以繩繫岸以椿釘土隨下隨
衝勞費無極者乎嘗觀洪波急流中週遭已成深
淵而柳樹直立畧不為動益信前法可行五曰漫
柳凡坡水漫流之處難以築隄惟沿河兩岸密栽
低小檉柳數十層俗名隨河柳不畏淹沒每遇水
漲既退則泥沙委積即可高尺餘或數寸許隨淤

隨長每年數次數年之後自成巨隄如沿河居民
各分地界築一二尺餘縷水小隄上栽檉柳尤易
淤積成高一二年間隄內即可種麥用工甚省為
效甚大六曰高柳照常於隄內外用高大柳椿成
行栽植不可稀少

附劉天和條議略

一臣躬親
於淮海之間周

詢密度黃淮二全河之水俱於淮安清河口會合
河廣約數里東注而下河身以漸寬廣下及安東
縣則已倍加深廣矣又下及海口則廣二十餘里
矣初不見其停阻壅淤也若使海口果為流沙積
溢則洪河巨流必將停緩盈溢淮安重鎮必將立
見其沈沒矣今淮流奔注初無少緩淮人平土而

居亦初未見其有所害也況海口洪波衝蕩非若
安流舟楫可以往來縱有套沙亦非尺寸鐵龍爪
可以爬盪若夫甘溝菊花北浦等溝馬邏羊寨等
港及通潤河開之未必無益但河廣已數十里諸
河溝港之開不過數十丈闊況洪河流向東北而
溝港折向東南正以水勢不順故節年壅淤今若
得累萬之財力以濬之祇恐其旋復淤塞爾海口
迤北套有新淤套沙然海口迤南近已衝洗開廣
前勘海口洩水工程似應停止一臣上自河南
之原武下至曹單沛七八百里間沿河周行相度
黃河之常防者唯北岸為重宋元迄今累築隄岸
形址皆在焉蓋河水湍悍衝徙不常其隄岸去河
遠者間或僅存而瀕河者無不衝決當擇其中去
河最近大隄及去河稍遠中隄各一道塌者增修
缺者補完斷者接築使北岸七八百里間聯屬高
厚則前勘應築各隄俱在其中不煩另築矣合漸

次修舉期於完固苟非
異常之水可保無虞
按劉天和議十一條今採

其切江南河工者節錄二條

十八年從河道都御史胡纘宗請開黃河支流濟

洪通漕

附

胡纘宗疏略

河南睢州考城縣地方新開孫繼口豫祿口各黃河

支流一以分殺上源歸睢二處水患一以灌下流徐呂二洪以濟官漕議於孫繼口至孫祿口另築長隄及將考城縣馬牧集等處修堵決口務築高廣堅實密栽榆柳護之河身既寬土隄亦實大水渙發勢能容受可免衝決散漫之虞而黃河安流二洪順受運道可無患矣

十九年河決睢州野雞岡由渦河經亳州入淮二

洪告涸兵部侍郎王以旂同河道漕運二都御史
周金郭持平築塞野雞岡濬李景口支河由蕭縣
以達小浮橋凡六百餘里八閘月而成蕭縣志於
是渦河堙而河之全力皆入於徐矣通鑑記事本
末王以旂開支河引水濟洪糧運無阻尋復淤自
是河益南徙

二十一年復鑿野雞岡上流李景高等口支河三
導河東注以濟二洪

二十四年河決野雞岡南至泗州合淮入海遂溢
蒙城五河臨淮等縣續文獻通考萬民表云河自
野雞岡而下分為二股其自東南過河而行者則
為河身其自孫繼口出徐州小浮橋者則為支流
然皆併合於淮以入海是黃河入海舍淮無他道
也如嘉靖庚子二洪水涸漕舟並阻議者謂黃河
改流非也改流必有漫溢之處計今水道唯渦河
孫繼口耳今孫繼口之出徐州者既淤則當泛濫

於東南之渦河而渦河之水至今亦微蓋自清河
以至徐沛地勢節高一節往年黃河盛溢之時則
上漫濟寧諸牖淹沒而淮水亦幾浸城後水勢稍
降則自魚臺以出穀亭再降則由飛雲橋以出沛
縣而淮水亦以次漸小又降而出徐州小浮橋則
淮水亦漸平矣近年黃河水日微故小浮橋之水
淤塞宿遷桃源二小河亦塞其通塞本於黃河之
贏縮豈關於河之改流哉

三十年從漕運都御史應檣請開三里溝河

附應

檣疏略

先年黃河入海之道疏通無滯故開清河

口通黃河之流以濟運道今黃河入海下流如澗口安東等處俱漲塞河流壅而漸高流入清河口泥沙停淤屢浚屢塞茲欲使黃河之水不入清河口須鑿澗口以決壅滯疏支河以殺水勢工力浩繁未敢輕議勸得三里溝在淮河下流黃河未合之上淮水清多濁少議者謂直開清河口開三里溝至通濟橋使船由三里溝出淮河達黃河且道里甚近工費不多欲除河患無以易此

三十一年八月河決徐州房村至邳州新安等處運道淤阻五十里御史黃國用以聞詔督河漕大

臣先議通運船次塞決疏淺並條列利弊具奏明
世宗寶錄河道都御史曾鈞奏上治河方畧自房
村集至雙溝曲頭諸處當浚自徐高廟至邳州沂
河諸處當築隄上令會同漕運都御史連鑛以寔
舉行

是年又決房村至曲頭集凡決四處淤四十餘里
命官濬之三閱月而成

三十二年正月從河漕都御史曾鈞等請開濬黃

河下流并築塞草灣老黃河決口二月又從刑部

侍郎吳鵬河道都御史曾鈞等奏建三里溝河牘

座附曾鈞等疏略

劉伶臺至赤晏廟凡八十里乃黃河下流頃為淤沙壅塞以致

奔潰此其疏濬所最先者次則草灣老黃河口衝決淹泛安東一縣亦當急築既成之後宜築長隄磯背以備衝擊又三里溝新河口比舊口水高六尺若開舊口雖有沙淤之患而為害稍輕若開新口未免淹沒之虞而漕舟頗便宜將新口暫閉建置牘座及將高家堰增築長隄原建新莊等牘加石修砌以遏橫流
吳鵬等疏略
比年淮徐水患議者謂海口積沙壅闕下流所致今臣親歷其地販鬻之舟往來無滯乃知積沙之說出自傳聞無客議矣惟草灣老黃河口劉伶臺宜

挑淺築塞使水復故道不致橫潰三里溝新聞河
口迎納泗水清流可以避黃河之衝勢宜勸建牐

歷以時
啓閉

三十七年河北徙自新集淤而為陸二百五十餘
里河分為十一河防一覽新集河經司家道出蕭
縣薊門由小浮橋入洪凡二百五十餘里故道悉
淤其流趨東北段家口析為六股曰大溜溝小溜
溝秦溝濁河胭脂溝飛雲橋俱由運河至徐洪又
分一股由碭山堅城集下郭貫樓又析五小股為

龍溝母河梁樓溝楊氏溝胡店溝亦由小浮橋會
徐洪共分為十一流遂淤蓋分多則勢弱勢弱則
並淤之機也

四十三年河水統會於秦溝

四十四年郭貫樓淤遂決華山出飛雲橋截沛以
入昭陽湖北泛湖陵城口南溢於徐命官往治明
會典是年接六年所鑿故迹浚為南陽新河又疏
舊河自留城至境山又隄馬家橋遏河流出飛雲

橋者使盡歸秦溝魚沛橫流始絕唯茶城時有淺

阻附雷禮夏鎮新河工成記

嘉靖四十四年秋七月黃河大水異常於

塞龐家屯從華山入飛雲橋分七股奔趨沽沛自
谷亭至境山舊運河數百里逼成巨浸漕輓梗阻
仰屋世宗軫憂知大司寇鎮山、朱公可任特改大
司空兼都御史總理河漕至則水勢瀰漫無處著
足集河道撫按及司道等官僉議上源既難分導
沽沛一帶又湮沒不能施工獨南陽至留城在昭
陽湖南地高黃水之患可免先年上納司寇胡端
敏公建議勅部御史咸公應期開鑿以異議中止
其遺迹人力可施其疏下工部題准改鑿接舊河
於時不便已私者勝誇仰荷聖明洞鑒勅諭諫何
君起鳴相勘何構奏舊河雖復利去害存新河工
尤可嘉害小利多旨下九卿科道會議僉同公感

數殫心思不計晝夜經畫築堤建牖竟底績凡一百四十一里除復修理留城至境山凡五十三里又因薛沙二水為患各開支河以殺其勢築大壩以障其流凡所以為新河久遠計者纖悉備至即今漕艘通行無滯害去利集人以此是服公用意之遠云予告老南行備閱河工水部即淵等同兗州太守張文淵以予贊成於內宜記其事予聞善治水者莫如禹禹疏九河不過順水之性而已三代以降惟漢賈讓有云不與水爭咫尺之地宋歐陽修有云河流已棄之故道難復蓋誠通達事體者也我國家治河欲資其利通漕非昔比而河從不常自古為然即如嘉靖以來衝決凡八處矣而紛紛持異議者乃欲疏上源復舊河是賈讓不與水爭而欲爭之歐陽修稱難復者而欲復之寧無鑒乎禹智耶耶况沽沛低下黃水自西而東越牖河奔入昭陽湖水去沙停旋挑旋淤則難與爭利復故

道較然可晰而端敏公之初議與公之成豈漫無
遠慮者哉夫賸河者思禹績又安忍民萬世永賴
也公貞亮秉節自信為國家建不朽遠猷遭逢世
宗乾斷於上不處浮議使輔臣與予亦得以贊公
於成變魚鱉之區為菽粟之場萬年漕餉亦永賴
之是皆公心禹之心能置異議不阻大禹神靈豈
無默相於其間乎書云勸之以九歌俾勿
壞是宜紀功叙道從來者所以嗣守云

隆慶元年河決沛縣總理河道尚書朱衡奏請開

廣秦溝修築南長隄從之

附朱衡疏略

古之治河
雖欲避害

今之治河又欲資其利故河流出境山以北則貼
河淤出徐州以南則二洪涸惟出自境山至徐州
小浮橋四十餘里間乃兩利而無害自黃河橫流
錫山邠貫樓支河皆已淤塞故從華山分為南北

二支南出秦溝正在境山以南五里許此誠運河之利也惟北出沛縣西及飛雲橋堽上魚臺為患甚大臣以為開廣秦溝使下流通行修築南長隄以防奔潰可以甦魚沛皆整之民

三年七月河決沛縣漕舟阻邳州不得進河道都御史翁大立以聞工部尚書朱衡覆奏茶城淤塞宜俟水退乃可疏濬戶部請如衡議從之明穆宗實錄是年工科都給事中嚴用和言宜飭所司塞決口挑濬淤沙以紓目前之急於是工部言黃河為患自周漢至今未有能久治而不決之術要在

因勢利導隨敝修補而已今沛縣東隄已完而縣城南至境山西隄未及舉修宜亟加興築以遏沛河之溢至欲多開故道以殺河勢則臣以為不可夫漢武瓠子之工宋人回河之役即嘉靖中間潘孫家渡等處費出不貲旋即壅塞未有能出奇策使河受約束者也上是其言

四年河決邳州總河侍郎翁大立條上三策並陳八事明穆宗實錄四年九月河決邳州自睢寧白

浪淺至宿遷小河口淤百八十里侍郎翁大立言
邇來黃河之患專在徐邳故先欲開沭口河以遠
河勢開蕭縣河以殺河流者正為浮沙擁聚河面
增高為異日慮耳今秋水潄至橫溢為災臣以為
權宜之計在棄故道而就新衝經久之策在開沭
河以避洪水議無出此兩者工部覆奏往時黃河
自劉大夏設官布置而河南之患息自嘉靖初曹
單築長隄而山東之患息自近年改成新河而豐

沛之患息非必河自順軌由人力勝也新衝之渠
卒未可就築塞決口如曩時房村方畧則故道宜
可通至於洳口之議雖工費不貲而一勞永逸比
歲歲疏鑿費亦自省宜令大立躬自相度條其利
害以聞上是之十月翁大立言治邳閼阻之策有
三一開洳口一就新衝一復故道請以臣三策下
工部定議行河道諸臣協同舉事以責成功又言
河工以錢糧為本以得人任事為要復條上計處

工費借留漕銀議留漕米查理船稅起調夫役選用官員獎勵才賢監督工程八事疏下工部仍請復故道以濟目前之急其開鑿涵口之議令大立熟計以聞無持兩可其所陳八事上皆允行

是年增築自徐沛至淮縷水長隄明穆宗實錄四年十一月工部郎中張純議以徐呂二洪之間漸成填淤河隄寢薄假令來年水溢必有衝決之患請自徐邳至淮繕治兩涯增高培薄仍築遙隄以

防不測工部是其議請命都御史潘季馴勘詳以聞季馴言築隄之法有二近者所以束湍悍之流遠者所以待衝決之患皆為上策顧工費不貲宜以見築縷水壩增益高厚曲加保護姑為目前之計從之

五年四月河復決邳州自曲頭集至王家口新隄多壞工部尚書朱衡復議開洳河請下諸臣熟計

報可

附

朱衡疏略

國家初置漕運悲資泉流自景泰以後黃河入運奪漕為河隸

是河身浸廣淤沙歲積不得不藉黃河以行故今
徐邳之漕河即黃河也歷考往代河趨濟博則決
曹單魚沛而沽頭上下諸牘盡廢邳遷則決野
雞岡口下毫泗而徐呂二洪頻涸今沛邑新河既
成縱決曹魚可保無恙而茶城以南猶屬黃河非
盡斥遠之無以善後乞將議開加河之說下諸臣
計熟

是年河決油房等十一口都御史潘李馴役丁夫
五萬開是頭灣塞十一口築縷隄三萬丈挑淤八

十里故道漸復

附潘季馴疏略

老河故道自新集
歷趙家園出小浮

橋安流無患後因河南水患別開一道出小河口
本河漸被沙淤嘉靖間河北徙故道遷成陸地臣

奉命由夏鎮歷豐沛至崔家口由崔家口歷河南
歸德虞城夏邑商丘諸縣至新集則見黃河大勢
已直趨潘家口矣父老言去此十餘里自丁家道
口以下二百二十里舊河形迹見在可開臣即自
潘家口歷丁家道口馬牧集韓家道口司家道口
牛董垌趙家園至蕭縣一帶皆有河形中間淤平
者四分之一河底皆滂沙見水即可衝刷臣以為
莫若修而復之河之復其利有五從潘家口出小
浮橋則新集迤東河道俱為平陸曹單豐沛永無
存墊一利也河身深廣無礙免泛溢之患虞夏豐
沛得以安居二利也河從南行去會通河甚遠臨
渠無虞三利也東流既深建瓴之勢尊縣自易則
徐州以下河身亦因而深則四利也小浮橋來流
既速則秦溝可免復衝而茶城永無淤塞之患五
利也

馮敏公開復邳河記

隆慶庚午秋八月河決於
睢寧之白浪淺既而白浪

淺淤復決青羊淺又既而青羊淺淤河益分裂潰
決決而南為王家口張擺渡口馬家淺口曲頭集
口決而北為曹家口其小口在辛安左右者七於
是河流悉歸決口南趨睢寧平地為湖漂沒軍民
田廬無算輕舟從此出小河口其支分而北者出
直河而正河故道自曹家口至邳之直河九十里
胥為平陸淤運艘九百三十隻糧四十餘萬石官
民船又數百自曹家口而上至曲頭直河而下至
宿遷又九十里河身淤淺不能通舟雖民卒墊運
道阻絕於是起大中丞歸安潘公於家俾治之公
至博訪羣情時議多以為故道不可復有欲因睢
寧決勢而利導之者公謂河源盤折數萬里水夾
泥沙急則沙隨水滾稍緩則水漫沙停比年因水
勢散漫沙墊底高容受漸少每一泛溢輒便為患
今舊河廣且百餘丈深且不測若仍復舊河中開
小渠引水衝刷兩隄夾束使不致漫則水勢歸漕

淤淺漸去河身自可復舊若就新衝水勢散漫湖
波平淺不能復深工力所及能有幾何伏秋水至
必壅不下徐邳之間將成魚鼈此必不可羣議乃
定於是度遠通議工役具畚築計餼糧大發淮揚
徐及廬鳳山東河南夫並徭浚各夫分司道官為
五工統之公指示方畧畫地課工以隆慶五年春
正月十有六日肇浚築葺工齊奮至二月二十
日渠成二十三日縱水歸渠淤沙漸刷河流乃通
凡舊淤糧艘及官民船皆繇渠出時築決之工張
擺浚曹家二口已完而曲頭馬淺王家三大口亦
已有緒公方且調集椿草益急羣下或言急此何
為但笑而不言翌日風雨驟作不止兼以黃河桃
花水漲會山東諸泉並至乃李春朔日水復大漲
漲漫淹浸莫辨湖河新舊隄防潰決殆盡復決閔
家口油房口曲頭舊口之東王家舊口之西房家
口青羊口白浪淺口與諸小口凡四十三處羣情

大駭役夫懼且潰公時患背疽乃裹瘡而出撫慰
勞來身自督率示以必成衆志復定晝夜率作工
料墮集隨用輒濟於是諸口漸合而縷水之堤亦
漸成四月七日麥黃水又大至狂風挾水勢復衝
決間家口之西及半戈山之左右公督率益勵守
新築口六月三日諸築塞之工咸畢先是於河多
淖沙人立輒陷工不得施公命以木橫沙面掘半
漚水左右互倒水蓋沙乾工乃得施決口懸溜數
尺噴沫成雷負土入水輒便消去公命以大埽截
流緘以巨纜旁植巨椿其衝之處湍猛溜急椿折
埽滾勢難猝就乃復相視緘急偃仰合度卒復壓
以厚土勢若岡陵衝乃克定築堤擇水浮沙既不
能堅而建土又為比年流沙所壓必深掘至尋丈
及遠取於民間空基與隔河運取山土往來力役
竟日不能數筐公命囊土程衡唱籌課役土工乃
集於是兩岸屹然河流受束濬刷於沙深廣加舊

四百萬漕糧飛帆直上雖伏秋水三至懷襄徐城而曲順以下凡公經理之地皆安流如故矣是役也用夫五萬人興工五閱月決口築塞者五十有八浚河以大計者三萬二千四百築隄以大計者七萬五千有零椿草柳葦以株束綱計者二十萬有零麻蘇以斤計者八萬四千有零所用河漕貯積撫按贖賸徐淮商稅及徐淮糧米總計僅十一萬金有奇視初請未及三分之一而決口增築隄工高厚倍於原題者二蓋公之經畫素定而復以身先故羣工率作罔敢不竭心力事半功倍其成之速如此既成之後公又為之計久遠乃並修徐呂靈壁之堤以束上流復築林房村之壩以防衝逸建鋪舍設官夫以時防守植草柳葦工料以預備禦其善後之圖入如此便當首事之初非公堅持復故羣議方且猶豫安能專意挑濬受役之始非公荷受方畧則河工多未閱歷安能悉協機宜

垂成之際非公先事預備則臨時且將無措安能
隨用取辦復決之時非公鎮定親督則衆心方在
搖惑安能堅忍有成功之後非公長計遠慮則
人情方在懈弛又安能思及久遠而為之善圖其
後我繼自今拯徐淮數十萬之民命於既弱通國
家數百年之運道於既漚而俾之勿壞者公之明
德顯功
遠矣哉

六年正月從工部尚書朱衡請修築徐州至宿遷
長隄凡三百七十里並繕治豐沛泰黃隄南河全
考是年勦築徐呂至宿遷縣張林舖兩岸隄各長
三百七十里又徐州北至茶城築兩岸隄各長三

十里

八月工部尚書朱衡建議治河詔河臣萬恭加議

經理十一月河工告成


附朱衡疏略

國象治河不

二策濬淺有漕黃交會之異濬漕黃者或起或撈
或逼水而衝或引水而避此可人力勝者茶城與
淮水會則在清河茶城清河之淺無歲不然蓋二
水互為勝負黃河水勝則壅沙而淤及其消也淮
漕水勝則衝沙而通雖用人力水力居十七八築
隄有截水縲水之異截水之隄可施於臨河不可
施於黃河蓋黃河負湍悍之性挾川潦之勢所向
何堅不破顧可以一隄當之乃縲水之隄不然河
由淮入海渾道寔資之故於兩岸築隄不便從旁
潰溢始得遂其就下入海之性蓋以順為治非以

人力勝水性故至今百五十六年永賴不變查清河之淺應照茶城例每遇黃河漲落時挖挑河淤導令淮水衝刷則雖遇漲而塞必遇落而通惟清江浦水勢最弱出口處所適與黃河相值比因民船由臨佳來不閉遂至淤塞壅塞既有妨運道復貽患淮郡宜於黃水城發時開各牐惟鮮費船隻聽令經由探有帶入沙淤隨即爬撈毋使停滯若海口訪自隆慶三年海嘯後壅水倒灌低窪之地積淤難洩今海水固已消涸尤宜時加試測設有沙淤隨即疏浚至於築隄黃河兩岸止是縷水不得以攔漕河自儀真至清江浦與臨清至截為名又疏略張家灣遠隔黃河茶城至臨清與黃河相近清河至茶城則黃河即運河也茶城以北當防黃河之決而入茶城以南當防黃河之決以出防黃河即所以保運河故自茶城至邳遷高築兩隄宿遷至清河盡塞缺口蓋以防黃水之出

則正河必淤昨歲徐邳之患是也自茶城秦溝口至豐沛曹單諸處淤築增築以接緹水舊隄蓋以防黃水之入則正河必淤往年曹沛之患是也二處告竣則河深水東無旁決中潰之虞然沛縣壘子頭至秦溝口應築隄七十里接古北隄與徐邳之間隄逼河身應於新隄外別築遙隄譬之重門待暴增續禦禦此二項工程尤當及時修築



江南通志卷四十九